

Бугунги тун минг ойдан ҳам яхшидир

21:11 / 19.04.2017 6259

Яхши курган бандаларин Худойим
Масжидларга туплаб куяр хар доим.
Савоб умид килиб, турибмиз коим,
Бугунги тун минг ойдан ҳам яхшидир.

Савобларни кила олмай саришта,
Биз билмаймиз, шу лахза хар каричда
Жой олгандир минглаб-минглаб фаришта,
Бугунги тун минг ойдан ҳам яхшидир.

Ким-ким билан уришгандир, ярашсин,
Бир-бирига мусулмондек карашсин.
Калблар меҳр дарёси булиб тошсин,
Бугунги тун минг ойдан ҳам яхшидир.

Ихлос килсанг, гунохингни кечирар,
Канча булса, хаммасини учирар,
Савобларни купайтириб кучирар,
Бугунги тун минг ойдан ҳам яхшидир.

Устозларнинг угитларин тингладик,
Мумин кандай булишини англадик,
Мустакилмиз, уз йулимиз танладик,
Бугунги тун минг ойдан ҳам яхшидир.

Дуо килинг, дуо муминга одат,
Дуо килинг, дуо магзи ибодат,
Дуо килинг, дуо бугун ижобат,
Бугунги тун минг ойдан ҳам яхшидир.

Ибодатда коимдирмиз хакконий,
Биз мумину мусулмонлар чаккони.
Дуо килинг, хожи булсин Боконий,
Бугунги тун минг ойдан ҳам яхшидир.

Рамазон

Ойларнинг ичида энг эркатоий,
Хайрли ишларга жуда хам бойи,
Мусулмон банданинг севибли ойи,
Рамазон, йил буйи сени кутамиз,
Сен келсанг, шодланиб руза тутамиз.

Аввалги ун кунинг ёгилар рахмат,
Кейинги ун кунинг булар магфират,
Охирги ун кунинг дузахдан рохат,
Рамазон, йил буйи сени кутамиз,
Сен келсанг, шодланиб руза тутамиз.

Сен келсанг, боғланар шайтонлар бари,
Йуллар хам очилар жаннатлар сари,
Дузах-чи, чекиниб кетади нари,
Рамазон, йил буйи сени кутамиз,
Сен келсанг, шодланиб руза тутамиз.

Ифторлик туфайли купдир маърака,
Таровехда хатм килар кори ака,
Осмондан ёгилиб турар барака,
Рамазон, йил буйи сени кутамиз,
Сен келсанг, шодланиб руза тутамиз.

Охирги ун кунда Лайлатул кадр,
У кеча яхшидир "мин алфи шахр",
Шунинг-чун сен билан киламиз фахр,
Рамазон, йил буйи сени кутамиз,
Сен келсанг, шодланиб руза тутамиз.

Хайр деб қоламиз энг охирги дам,
Гуёки уттиз кун булган каби кам,
Оллох насиб этсин, келгуси йил хам,
Рамазон, йил буйи сени кутамиз,
Сен келсанг, шодланиб руза тутамиз.

Отабек Боконий